

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	06-05-2025		
Org. jed.	Kl. ozna.	Red. broj	Sr. priloga
01	03	1032125	

Broj: 02-03-984/25-AP-2
Datum: 05.05.2025. godine

GRADSKO VIJEĆE ZAVIDOVIĆI
n/r PREDSEDavajuća GRADSKOG VIJEĆA
Hadžić dr Amira, spec. radiolog

PREDMET: Informacija o stanju bezbjednosti lica i imovine na području
Grada Zavidovići za 2024. godinu, dostavlja se

U prilogu akta dostavljam Vam Informaciju o stanju bezbjednosti lica i imovine na području Grada Zavidovići za 2024. godinu.

Informaciju o stanju bezbjednosti lica i imovine na području Grada Zavidovići za 2024. godinu dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

Akt pripremila: 
(Fatima Merdanović)

Akt pregledao: 
(Nermin Čahtarević)



GRADONAČELNICA

mr. iur. Erna Merdović Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu privrede, lokalni
razvoj, infrastrukturu i međunarodnu
saradnju



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

OT V. Pa

Prethodno: 28-04-2025			
Org. kod	Kl. broj	God. broj	Str. broj
02	03	984/25	

Broj:03-45-9-205/25
Datum: 28.04.2025. godine

GRADONAČELNICA
-ovdje-

PREDMET: Informacija o stanju bezbjednosti lica i imovine na području grada Zavidovići za 2024. godinu, dostavlja se


U skladu sa Programom rada Gradskog vijeća za 2025. godinu broj: 01-04-2333/24-AP-10 od 27.02.2025.godine ("Službeni glasnik Grada Zavidovići", broj: 2/2025) u prilogu akta dostavljamo Vam Informaciju o stanju bezbjednosti lica i imovine na području grada Zavidovići za 2024.godinu, broj:08-02-10/1-03-1-1894-1/25 od 22.04.2025.godine, a čije razmatranje je predviđeno za majsku sjednicu Gradskog vijeća.

S poštovanjem,

POMOĆNICA GRADONAČELNICE


mr.sci. Džeraldina Miličević

Akt obradio: Almir Mustafić



373

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
ZENICA
UPRAVA POLICIJE
PU III
POLICIJSKA STANICA ZAVIDOVIĆI



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF INTERNAL AFFAIRS
ZENICA
ADMINISTRATION OF POLICE
PU III
POLICE STATION ZAVIDOVIĆI

Broj:08-02-10/1-03-1-1894-1/25

Dana:22.04.2025. godine

GRAD ZAVIDOVIĆI

Služba za upravu privrede, lokalni razvoj,
infrastrukturu i međunarodnu saradnju

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

23-04-2025			
Primijeno:			
Org. broj	Sl. oznaka	Red. broj	Sl. p. broj
03			


PREDMET: Informacija o stanju bezbjednosti lica i imovine na području Grada Zavidovići za 2024. godinu, dostavljamo;

VEZA: Vaš akt broj:03-45-9-168/25 od 08.04.2025. godine

U vezi sa Vašim aktom broj i datum gornji, dostavljamo Vam Informaciju o stanju bezbjednosti lica i imovine na području Grada Zavidovići za 2024. godinu.

S poštovanjem.

PRILOG: kao u tekstu-1x




KOMANDIR POLICIJSKE STANICE

Samostalni inspektor
Nermin Merdanović



Trg BiH br.1 Zenica, Tel. 032/449-249,
www.mupzdk.gov.ba
E-mail: mupzdk@mupzdk.gov.ba



Broj: 08-02-10/1-SL/25

Dana: 18.04.2025. godine

INFORMACIJA

o stanju bezbjednosti lica i imovine na području Grada Zavidovići za 2024. godinu

UVOD I OCJENA STANJA

Osnov sačinjavanja Informacije o stanju bezbjednosti lica i imovine na području Grada Zavidovići za 2024. godinu su izvještaji o radu, statistički i analitički izvještaji i pokazatelji sačinjavani od strane Policijske stanice (PS) Zavidovići. Rad policijskih službenika i drugih zaposlenika PS se odvijao u skladu sa ovlaštenjima iz zakona i podzakonskih akata, a prvenstveno u skladu sa Zakonom o unutrašnjim poslovima ZDK, Zakonom o policijskim službenicima ZDK, Zakonom o Javnom redu i miru ZDK, Zakonom o osnovama bezbjednosti saobraćaja na putevima u BiH, Zakonom o prekršajima FBiH, Zakonom o krivičnom postupku FBiH i dr., kao i odgovarajućim podzakonskim propisima te standardima iz Etičkog kodeksa za policijske službenike. Policijska stanica i policijski službenici su se u vršenju svojih dužnosti prevashodno rukovodili općim interesom te su naročito služili i pomagali javnosti. Posebnu pažnju su posvetili zakonitom radu, adekvatnoj primjeni policijskih ovlaštenja i profesionalnom odnosu policije prema građanima uz poštivanje ljudskih prava i sloboda te važećih međunarodno prihvaćenih standarda o postupanju policije u demokratskim sistemima. Sve aktivnosti su preduzimane u skladu sa Akcionim planom o preduzimanju mjera i radnji za 2024. godinu.

Policijska stanica Zavidovići pokriva administrativno područje Grada Zavidovići koje je površine oko 520 kilometara kvadratnih. Prema podacima posljednjeg popisa stanovništva, trenutno na ovom području živi oko 38000 stanovnika. Grad Zavidovići teritorijalno graniči sa općinama Maglaj, Žepče, Zenica, Kakanj, Vareš, Olovo, Banovići i Lukavac te shodno tome i sa Tuzlanskim kantonom. Stanovništvo grada je mješovite nacionalne strukture (Bošnjaci, Hrvati, Srbi i ostali), sa određenim demografskim promjenama uzrokovanim ratnim i poslijeratnim dešavanjima, ekonomskim i drugim kretanjima.

Ekonomske i socijalne prilike dijela stanovništva su loše i neizvjesne, uzrokovane mnoštvom negativnih društvenih faktora i pojava. Veliki procenat radno sposobnog stanovništva je nezaposlen, sa tendencijom porasta ove kategorije stanovništva što direktno ili indirektno može biti uzrokom rizika za ukupno stanje bezbjednosti.

Informacija o stanju bezbjednosti lica i imovine na području Grada Zavidovići se temelji na statističkim pokazateljima po pojedinim oblastima bezbjednosti za 2024. godinu te sveukupnim aktivnostima PS Zavidovići, posebno kroz oblasti: javnog reda i mira (JRM), bezbjednosti saobraćaja i kriminaliteta.

Prema izvršenim analizama provođenja Akcionog Plana mjera i radnji Uprave policije MUP-a ZDK i Policijske stanice Zavidovići za 2024. godinu, prisutnim sigurnosnim izazovima, kriminogenim faktorima na našem području i šire, stanju i trendovima konkretnih oblika kriminaliteta i drugog prijestupništva, kao i posljedicama izvršenih nezakonitih radnji u oblasti bezbjednosti, ocjena je da je stanje bezbjednosti u 2024. godini na području Grada Zavidovići bilo **zadovoljavajuće**.

U svrhu boljeg i potpunijeg razumijevanja stanja bezbjednosti na području Grada Zavidovići neophodno je imati uvid u egzaktne parametre po pojedinim segmentima bezbjednosti i oblastima policijskog djelovanja. Shodno tome dajemo pregled po oblastima:

JAVNI RED I MIR

U toku 2024. godine na području PS Zavidovići evidentirano je 165 slučajeva narušavanja JRM-a što je više za 39 slučajeva u odnosu na prethodnu 2023. godinu, u kojoj je evidentirano 126 slučajeva narušavanja JRiM, što procentualno iznosi povećanje od 30,95 %. Međutim ovo povećanje ne znači da je došlo do pogoršanja stanja bezbjednosti u oblasti JRiM, **nego je isto većim dijelom rezultat proaktivnog djelovanja policijskih službenika na uočavanju i sankcionisanju prekršaja počinjenih prosjačenjem, vršenjem fiziološke potrebe na javnom mjestu, vođenjem psa bez zaštitne brnjice, uživanjem opojnih droga na javnom mjestu i sličnih prekršaja koji su evidentirani i sankcionisani isključivo samoinicijativnim djelovanjem policijskih službenika, a ne radom po prijavama građana i sl.**

Ukupno je počinjeno 224 prekršaja u kojima je učestvovalo ukupno 224 lica.

Radi boljeg uvida dajemo tabelarni pregled počinjenih prekršaja JRM-a na području PS Zavidovići, po načinu izvršenja (tabela 1.) te po mjestu izvršenja prekršaja (tabela 2.).

Preglad prekršaja JRM-a po načinu izvršenja

Način izvršenja prekršaja	Broj
Prosjačenje	30
Uživanje opojne droge na javnom mjestu	14
Tuča i fizički napad na drugo lice	35
Svađa,vika ili drsko ponašanje	33
Naročito drsko ponašanje	29
Omaložavanje ili nepostupanje po naredenju OSL-a	12
Na osnovu odluka Općinskog - Gradskog vijeća	4
Ostali prekršaji	67
Ukupno	224

Tabela 1.

Preglad prekršaja JRM-a po mjestu izvršenja

Mjesto činjenja prekršaja	Broj
Ulice, trgovi, putevi i drugi otvoreni prostori	176
Ugostiteljski objekti	20
Trgovinske i zanatske radnje	5
Ostala mjesta	23
Ukupno	224

Tabela 2.

U toku 2024. godine nije bilo složenijih situacija remećenja javnog reda i mira niti remećenja istog u većem obimu. Uglavnom se radilo o pojedinačnim slučajevima narušavanja, koji su od strane policijskih službenika odgovarajuće stavljeni pod kontrolu i procesuirani u skladu sa zakonom.

Zadovoljavajućem ukupnom stanju javnog reda i mira posebno doprinosi kontinuirano preventivno djelovanje policijskih službenika koji svakodnevno i planski usmjeravaju svoje aktivnosti na očuvanju stabilnosti u ovoj oblasti. U svim slučajevima kada je dolazilo do remećenja javnog reda i mira policijski službenici PS Zavidovići su uspješno uspostavljali narušeni javni red i mir te su slučajevi adekvatno procesuirani.

BEZBJEDNOST SAOBRAĆAJA

PS Zavidovići pokriva oko 380 km putne mreže sljedećih kategorija: magistralni, regionalni, lokalni, nekategorisani putevi kao i ulice u naselju. Putevima i ulicama saobraća veliki broj vozila i lica, kako lokalnog stanovništva tako i učesnika u tranzitnom saobraćaju. Kada je infrastruktura u pitanju može se konstatovati da su putni pravci uglavnom bili prohodni, osim povremenih obustava gdje su za saobraćanje postojali alternativni putni pravci. Povremeni i kratkotrajni zastoji događali su se uglavnom zbog rekonstrukcije putne mreže, zbog vremenskih nepogoda, nekih manifestacija i okupljanja te rjeđe zbog neodgovarajućeg angažovanja subjekata zaduženih za održavanje puteva.

Postoje mnogi faktori, kako objektivne tako i subjektivne prirode koji usložnjavaju problematiku u saobraćaju, a naročito: loša saobraćajna infrastruktura i tehničke karakteristike saobraćajnica, nedostatak trotoara i pješačkih staza, oštećenja kolovoza, nedostatak horizontalne i vertikalne saobraćajne signalizacije (oznake na kolovozu, saobraćajni znakovi i dr.), prisustvo udarnih rupa na pojedinim putnim pravcima i ulicama u gradu, loša preglednost pojedinih putnih pravaca usljed obraslosti putnog pojasa, nedostatak adekvatnog parking prostora na gradskom području, manjak saobraćajne kulture učesnika u saobraćaju, kako vozača tako i pješaka i dr. U vezi sa ovim problemima PS Zavidovići je pismenim putem redovno obavještavala nadležne službe i upravitelje cesta, ukazivala na stanje putne infrastrukture i saobraćajnica, te pozivala na otklanjanje negativnosti, dok je u stvarima iz vlastite nadležnosti preduzimala zakonom propisane mjere i radnje.

U toku 2024. godine policijski službenici PS Zavidovići ukupno su kontrolisali 15880 vozila i vozača, te je izvršen pregled 8126 vozila i 7796 lica u vozilima. Prilikom kontrole i regulisanja saobraćaja na putevima zbog učinjenih prekršaja izdato je 3905 prekršajnih naloga, 24 zahtjeva za pokretanje prekršajnog postupka, te je nadležnom Tužilaštvu zbog počinjenih "Krivičnih djela protiv sigurnosti javnog saobraćaja" dostavljeno 9 izvještaja. Iz saobraćaja je isključeno 197 vozača koji su upravljali vozilima pod dejstvom alkohola, 55 vozača je zatečeno da upravlja neregistrovanim vozilima te su takva vozila isključena iz saobraćaja, 59 vozača je isključeno iz saobraćaja zbog upravljanja vozilima prije sticanja prava na upravljanje, 15 vozača zbog upravljanja motornim vozilima u vrijeme trajanja zaštitne mjere zabrane upravljanja motornim vozilima, te je 11 vozila isključeno iz saobraćaja zbog tehničke neispravnosti.

Broj saobraćajnih nezgoda na području Grada Zavidovići u 2024. godini je veći za 2 saobraćajne nezgode u odnosu na 2023. godinu, što iznosi neznatno povećanje od 1,24% U toku 2024. godine dogodilo se ukupno 163 saobraćajne nezgode, razvrstane prema težini posljedica na:

- 88 saobraćajnih nezgoda sa materijalnom štetom,
- 57 saobraćajnih nezgoda sa lakše povrijeđenim licima i

- 16 saobraćajna nezgoda sa teže povrijeđenim licima i
- 2 saobraćajne nezgode sa smrtno stardalim licima.

Saobraćajne nezgode po kategoriji puta i posljedicama su prikazane u tabeli 3.

Pregled saobraćajnih nezgoda

Kategorija puta	Sa poginulim	Sa teškim povredama	Sa lakšim povredama	Sa materijalnom štetom	Ukupno
Magistralni put	1	5	30	38	74
Regionalni put	0	7	3	18	28
Lokalni put	0	1	10	14	25
Ulice	1	3	14	18	36
Ukupno:	2	16	57	88	163

Tabela 3.

U saobraćajnim nezgodama u 2024.godini smrtno su stradala 2 lica, 17 lica je teško tjelesno povrijeđeno te je 71 lice zadobilo lakše tjelesne povrede.

Analizirajući saobraćajne nezgode ističemo da je najčešći uzrok istih neprilagođena brzina kretanja uslovima i stanju puta, dok se kao uzroci pojavljuju i kršenja drugih saobraćajnih propisa od strane učesnika u saobraćaju kao što su: nepropisno preticanje, nepropisno držanje odstojanja, mimoilaženje, vožnja unazad i druge radnje u saobraćaju.

U toku 2024. godine od višestrukih povratnika u činjenju prekršaja iz oblasti bezbjednosti saobraćaja, na području PS Zavidovići privremeno je oduzeto 16 vozila, koja su obezbijedena i deponovana do konačne odluke nadležnog suda o daljem postupanju sa istim.

KRIMINALITET

Ocjenjujući stanje kriminaliteta na području koje pokriva PS Zavidovići, može se konstatovati da je ono u 2024. godini bilo na zadovoljavajućem nivou. Ovakva ocjena proizilazi iz statističkih pokazatelja u ovoj oblasti.

Stanje karakteriše znatno smanjenje ukupnog broja izvršenih krivičnih djela, te znatno bolji procenat rasvijetljenosti kao i otkrivenosti počinitelaca izvršenih KD-a u odnosu na godinu dana ranije.

U toku 2024. godine na području PS Zavidovići evidentirano je ukupno 145 krivičnih djela. Od ukupnog broja izvršenih krivičnih djela 118 je po poznatom i 27 po nepoznom (NN) izvršiocu.

Pregled u oblasti kriminaliteta na području koje pokriva PS Zavidovići za 2024. godinu u usporedbi sa 2023. godinom je prikazan u tabelarnom prikazu (tabela 4.).

Stanje kriminaliteta

Period	Broj KD	Po poznatom	Po NN	Rasvije- tjeno po NN	Procenat rasvijetlje- nosti po NN	Ukupno rasvijetljeno	Procenat ukupne rasvijetljen.
2023. godina	196	131	65	50	78,80%	181	92,34%
2024. godina	145	118	27	22	81,48%	140	96,55%

Tabela 4.

Pregled registrovanih krivičnih djela u 2024. godini:

- KD "Posjedovanje i omogućavanje uživanje op. droga"	26
- KD "Nasilje u porodici"	25
- KD "Teška krađa"	21
- KD "Oštećenje tuđe stvari"	10
- KD "Teška krivična djela protiv sigurnosti javnog saob."..	10
- KD "Teška tjelesna ozljeda"	9
- KD "Neovlaštena proiz. i stavljanje u promet op.droga"....	6
- KD "Nasilničko ponašanje"	6
- KD "Krađa"	4
- KD "Ugrožavanje sigurnosti"	5
- KD "Ugrožavanje jav. saob. zbog omamljenosti.....	4
- KD "Izazivanje opće opasnosti"	3
- KD "Paljevina"	2
- KD "Ugrožavanje javnog prometa"	2
- KD "Laka tjelesna povreda"	2
- KD "Nedozvoljeno držanje oružja ili eksp. materija"	2
- KD "Utaja"	1
- KD "Krivotvorenje novca"	1
- KD "Skidanje ili povreda službenog pečata ili znaka"	1
- KD " Učestvovanje u tuči"	1
- KD "Krivotvorenje isprave"	1
- KD "Sprečavanje dokazivanja"	1
- KD "Povreda mira pokojnika"	1
- KD iz člana 52. ZONDINOM-a ZDK.....	1

Što se tiče strukture krivičnih djela izvršenih u 2024. godini, najzastupljenija su KD-a protiv zdravlja ljudi, odnosno krivična djela iz oblasti zloupotrebe opojnih droga (KD "Posjedovanje i omogućavanje uživanja opojnih droga- 26 i KD "Neovlaštena proizvodnja i stavljanje u promet opojnih droga"- 6) a čije dokumentovanje je rezultat proaktivnog djelovanja policijskih službenika u ovoj oblasti.

U toku 2024. godine policijski službenici PS Zavidovići pronašli su i privremeno oduzeli 524,85 grama amfetamina, 660,25 grama Cannabisa, jedan zasad od 23 biljke Cannabisa, te 11,83 grama i 150 tableta extazija, a koje materije se nalaze na Popisu opojnih droga, psihotropnih materija, biljaka iz kojih se može dobiti opojna droga i prekursora.

Što se tiče krivičnih djela protiv imovine u toku 2024. godine došlo je do znatnog smanjenja broja takvih krivičnih djela u odnosu na prethodnu godinu i to: teške krađe (2024. g. -21 a 2023. g. - 48) i krađe (2024. g. - 4, a 2023. g.- 15).

Posmatrajući navedene statističke podatke, može se zaključiti da je na području PS Zavidovići u toku 2024. godine došlo do poboljšanja stanja bezbjednosti sa aspekta kriminaliteta u odnosu na prethodnu godinu, a što je u skladu sa ciljevima Akcionih planova mjera i radnji sačinjenih na nivou Uprave policije MUP-a ZDK i Policijske stanice Zavidovići. Navedeno je postignuto pojačanim angažovanjem policijskih službenika krim. policije i uniformisane policije PS Zavidovići u skladu sa sačinjenim Planovima rada po pojedinim oblastima (oblast borbe protiv zloupotrebe opojnih droga, oblast sprečavanja i otkrivanja KD-a imovinskog karaktera i dr.), provođenjem mjera preventivnog i represivnog karaktera prema počiniocima KD-a a naročito višestrukim povratnicima i dr.. Okolnost koje je uticala na ovakvo stanje, a koju je bitno istaći je činjenica da je u prethodnom periodu određeni broj lica sa našeg područja, koji su evidentirani kao višestruki povratnici u izvršenju KD-a protiv imovine, od strane nadležnih sudova upućeni na izdržavanje zatvorskih kazni ili im je određena mjera pritvora u istrazi.

U toku 2024. godine na području pod kontrolom PS Zavidovići nisu evidentirana izvršenja težih oblika KD-a koja bi po načinu izvršenja, objektu napada, visini materijalne štete ili drugim okolnostima mogla izazvati uznemirenje javnosti.

Također ističemo činjenicu da je u toku 2024. godine došlo do povećanja broja prijavljenih i procesuiranih slučajeva KD "Nasilje u porodici" (2024. godine-25 slučajeva, a 2023. godine-18 slučajeva), što je evidentno i na području drugih PS na području ZE-DO kantona kao i u cjelokupnoj BiH. Svi prijavljeni slučajevi na području PS Zavidovići su na odgovarajući način procesuirani.

OSTALE AKTIVNOSTI

Ostale aktivnosti policije bile su usmjerene na izvršavanje zakonom ustanovljenih nadležnosti, obaveza i ovlaštenja iz Zakona o unutrašnjim poslovima ZE-DO kantona, Zakona o policijskim službenicima i drugih zakona. Radilo se i na realizaciji planiranih aktivnosti po projektima "Rad policije u zajednici" (RPZ) i "Vodič većih javnih okupljanja".

Sastavni dio projekta "Rad policije u zajednici" je koncept "Sastanak sa građanima" gdje je u predmetnom periodu primljen veliki broj građana koji su tražili određenu pomoć i objašnjenja u konkretnim slučajevima. Preduzimane su aktivnosti u nizu drugih projekata, kao što su: koncept "Dani otvorenih vrata", "Policajac u školi" i dr.

U sklopu pružanja pomoći i asistencija policijski službenici ove PS su u toku 2024. godine pružili 49 planskih asistencija drugim organima (Federalnoj i Kantonalnoj upravi za inspekcijske poslove, gradskim, općinskim i drugim organima i službama), te veliki broj pomoći i intervencija u izvršavanju službenih zadataka od strane drugih ovlaštenih službenih lica. Pored toga sačinjen je veliki broj informacija radi iniciranja federalnih, kantonalnih, općinskih i drugih organa vezano za uočene nedostatke na terenu radi preduzimanja mjera iz njihove nadležnosti. Između ostalog, odnosile su se na rad na crno, produžen rad ugostiteljskih objekata, provođenje općinskih - gradskih odluka, neprijavljene djelatnosti, stanje puteva i saobraćajne signalizacije, komunalne infrastrukture, pronađenih neeksplozivnih ubojnih sredstava (NUS-a), pojave pasa litalica i drugih negativnosti.

U sklopu projekta "Jačanje sposobnosti lokalne policije u pogledu sigurnosti povratnika" policijski službenici ove PS su u toku 2024. godine vršili stalne obilaske i kontakte sa povratničkom populacijom i njihovim predstavnicima gdje je ostvarena dobra saradnja po svim osnovama.

S ciljem da stanje bezbjednosti na području Grada Zavidovići bude na još boljem nivou ostvarena je saradnja i razmjena informacija i sa drugim relevantnim subjektima što treba i dalje nastaviti i stalno promovisati.

Na kraju želimo istaći činjenicu da je u protekloj 2024. godini u većem broju slučajeva prilikom obavljanja poslova i zadataka iz nadležnosti policije korišten sistem video-nadzora instaliran na području grada Zavidovića, koji se pokazao kao veoma učinkovit prilikom dokumentovanja kako počinjenih krivičnih djela tako i prekršaja, te ukazujemo na potrebu da se u budućnosti instalira veći broj kamera kojima bi se video-nadzorom pokrili ulazni i izlazni putni pravci grada Zavidovići, što bi u znatnoj mjeri olakšalo vršenje poslova i zadataka policijskih službenika, a takode bi imalo izvrstan efekat i u pogledu prevencije kriminaliteta.



KOMANDIR POLICIJSKE STANICE

Samostalni inspektor
Nermin Merdanović